

EBAZPENA, 2017ko abenduaren 11koa, Unibasq Euskal Unibertsitate Sistemaren Kalitate Agentziako zuzendariarena; honen bidez, erakunde publikoek edo ikerketa-erakundeek zientzia, teknologia eta berrikuntzako Espainiako sistemara sartzeko modalitatepean kontratatutako langileen jardura ikertzailea ebaluatzeko protokoloa iragartzen da, Unibasq Euskal Unibertsitate Sistemaren Kalitate Agentziaren Aholku Batzordeak onartutakoa, 2017ko abenduaren 9an.

I.– Lege-esparrua.

Ekainaren 28ko 13/2012 Legeak, Unibasq Euskal Unibertsitate Sistemaren Kalitate Agentziari buruzkoak, 2.1 artikuluan ezartzen du agentziaren xedea Euskal Unibertsitate Sistemaren baitan kalitatea ebaluatu, egiaztatu eta ziurtatzea dela, Espainiako, Europako eta nazioarteko esparruak aintzat hartuta.

II.– Protokolo honen xedea.

Zientzia, Teknologia eta Berrikuntzari buruzko ekainaren 1eko 14/2011 Legearen 22.2 artikulua ezartzen duenez, legearen arabera kontratatutako langileek garatutako jardura ikertzailea ebaluatu ahal da, langileak bigarren kontratu-urtea amaitzen duenetik. *“Ebaluazioek bikaintasun-irizpideak izango dituzte kontuan, unibertsitatearen edo erakunde kontratatzailearen arauen arabera egingo dira, eta kanpo-txosten bat izango dute, negatiboa bada izaera loteslea izango duelarik, eta honako hauen eskutik egindakoa:*

a) ANECA Kalitatearen Ebaluazioko eta Egiaztapeneko Agentzia Nazionala edo autonomia-erkidegoko legeak zehazten duen kanpo-ebaluazioko organo baliokidea, unibertsitate publikoek kontratatutako langile ikertzaileen kasuan;

b) ANEP Ebaluazio eta Prospektibako Agentzia Nazionala edo Ikerketako Estatu Agentziaren barruan zehazten den organo baliokidea, Estatu Administrazio Orokorren Ikerketako Erakunde Publikoek kontratatutako langile ikertzaileen kasuan;

c) Autonomia-erkidegoetako ANEPen organo baliokidea, edo ANEP bera halakorik ezean, langile ikertzaileak Estatu Administrazio Orokorraz bestelako administrazio publikoetako ikerketa-erakundeek kontratatzen dituztenean”.

Prozedura horren helburua da unibertsitate publiko batek edo Estatuaren Administrazio Orokorraz bestelako administrazio publiko bateko ikerketa-erakunde batek kontratatutako langileek Zientzia, Teknologia eta Berrikuntzari buruzko ekainaren 1eko 14/2011 Legearen 22. artikulua aipatzen duen ebaluazioa egin ahal izatea. Horregatik alde aurreko akordio, hitzarmen edo kudeaketa-mandatu bat behar da Unibasqen eta unibertsitatearen edo ikerketa-erakundearen artean, azken hori izango delarik deialdiak egingo dituen.

III.– Ebaluazio-organoak.

1.– Deialdia egiten duen unibertsitateak edo ikerketa-zentroak bidaliko dizkion eskaerak ebaluatuko ditu Agentziak bere Ebaluazio Batzordeen bitartez, eta batzordekideek Unibasqen Etika eta Berme Kodea betez jardungo dute.

2.– Ebaluazio-prozesuan eskuratutako informazio guztia konfidentziala da.

3.– Ebaluazio-batzordeak.

a) Unibasqen ekainaren 28ko 13/2012 Legearen 10. artikuluan ezarritakoa betez, Ebaluazio Batzordeak dira ebaluazio-eginkizunez arduratuko diren organo zientifiko-teknikoak.

b) Batzordeen eraketa- eta funtzionamendu-erregimenari dagokionez, Protokolo honetan ezarri ez den orotan Unibasqen Estatutuetan jasotako erregulazioa aplikatuko da.

c) Agentziako zuzendariak, Ebaluazio Batzorde bakoitzeko kideen artean, presidentea eta idazkaria izendatuko ditu, eta kargu horiei dagozkien funtzioak beteko dituzte kide anitzeko organoetan.

d) Jakintza-eremu eta -arloan arabera antolatuko dira ebaluazio-batzordeak. Hasteko, honako Ebaluazio Batzorde hauek eratuko dira:

- Zientzia Esperimentalak.
- Gizarte Zientziak.
- Zuzenbide eta Ekonomia Zientziak.
- Medikuntza eta Osasun Zientziak.
- Irakaskuntza Teknikoak.
- Giza Zientziak.

e) Ebaluazio Batzordeen kopurua aldatzeko aukera izango da prozesu bakoitzaren zirkunstantzia espezifikoaren arabera.

f) Ebaluazio Batzordeek gutxienez bost kide eta gehienez hamar izango dituzte, aurreko deialdietan batzorde bakoitzak ebaluatutako eskaera kopuruaren arabera. Salbuespenez, Ebaluazio Batzordeak Agentziari aholkularitza espezifikoa eskatzeko aukera izango du, hori gomendagarria bada.

g) Hiru urteko indarraldia izango du izendapenak, eta Agentziako zuzendariak izendapenaren ebazpena sinatzen duen egunaz geroztik hasiko da indarrean. Batzordeen osaera Agentziaren webgunean argitaratuko da.

IV.– Prozesuaren deskribapena:

1. Unibasqekin aldeztu aurretik hitzarmena sinatu duen unibertsitateak edo ikerketa-zentroak egingo du deialdia. Parte hartzeko behar den dokumentazioa, epeak eta modua ezarriko dira deialdian, betiere Unibasqek eta deialdia egiten duen organoak adostutakoa jasota. Behin eskaerak onartzeko aldia amaitu ondoren, deialdia egiten duen organoak onartuen zerrenda bidaliko dio Unibasqi, ebalua ditzan.

2. Jarduera ikertzailearen ebaluazioa eskatu ahal izateko eskakizunak, Zientzia, Teknologia eta

Berrikuntzari buruzko ekainaren 1eko 14/2011 Legearen 22. artikulua arabera:

2.1. Gutxienez bi urtez Zientzia, Teknologia eta Berrikuntzako Espainiako Sistemara sartzeko modalitatepean kontratatua egon izana.

2.2. Deialdia egiten duen unibertsitateak edo ikerketa-zentroak kontratatuta egotea Zientzia, Teknologia eta Berrikuntzako Espainiako Sistemara sartzeko modalitatepean, ebaluazioa eskatu den unean.

Bere jarduera horrelako ebaluazio motaren pean aldez aurretik jarri duten langileek, eta betiere ebaluazio hori negatiboa izan bada, bigarren eta azken ebaluazio bat eskatu ahalko dute, atal honetan bildutako baldintza guztiak betetzen badituzte.

2.3 Eusko Legebiltzarraren Tasa eta Prezioei buruzko Legearen 95 bis eta 95 quinquis artikuluetan jasotako tasaren ordainketa erantsi behar zaio eskaera bakoitzari, Unibasq Euskal Unibertsitate Sistemaren Kalitate Agentziak irakasle eta ikertzaileak ebaluatzeko eskaera normalizatuak izapidetzeari aplikatzekoa dena. Hori non eta unibertsitateak edo ikerketa-zentroak beste ordainsari mota bat sinatu ez duen Unibasqekin sinatutako hitzarmenean.

3. Eskaerak nola formalizatu.

3.1 Interesdunak telematikoki egin behar du eskaera, Agentziaren webgunean (www.unibasq.eus) horretarako txertatutako aplikazio informatikoa erabilita.

3.2. Eskaeran datu hauek sartu behar dira:

a.- aplikazio informatikoan adierazitako datu pertsonalak,

b.- zein jakintza-arlori esleitu nahi zaion,

c.- zein batzordek ebaluatzea nahi duen.

d.- Eskatzailearen ebaluaziorako beharrezkoak diren merezimendu akademiko eta profesionalak. Argitalpenen atalean hogeita hamar ekarpen bilduko dira gehienez, eta biltzarretan izandako parte-hartzeei dagokienez, hamar bilduko dira gehienez (eskaintzaileak berak hautatutako nabarmenak).

e.- Curriculum Vitae osoa. Ikerketa, garapen eta berrikuntzari lotutako jarduerak bakarrik adieraztea gomendatzen da. Era berean, argitalpenen «doi» (digital object identifier) aurkeztu beharko da, halakorik baldin badute.

f.- Tasa ordaindu izanaren egiaztagiria, non eta unibertsitateak edo ikerketa-zentroak beste ordainsari mota bat sinatu ez duen Unibasqekin sinatutako hitzarmenean. Nahitaezko ordainketa ez ordaintzeak ebaluazioa aurkakoa izatea eragingo du.

3.3. Unibasqek, administrazio-prozeduraren edozein unetan, eskaerari gaineratu zaizkion artxibo elektronikoen xede izan diren jatorrizko dokumentuak eskatu ahal izango ditu, baliozkoak direla eta bat datozela egiaztatzeko. Gainera, eskaeran alegatutako merezimendu eta datuen inguruan beharrezkotzat jotzen duzun dokumentazio osagarria eskatzeko aukera izango duzu. Eskatzaileak dokumentazio hori bidaltzen ez badu hamar egun balioduneko epean errekerimendua jasotzen duen egunaren hurrengo egunaz geroztik, ebaluazioa negatiboa izango da.

3.4. Unibasqek beretzat gordetzen du eskaeran gaineratu diren artxibo elektronikoak sortzeko jatorrizko dokumentuak aldatzen dituztenen aurka legalki jarduteko eskubidea. Gainera, eskaeran errealitatearekin bat ez datozen datuak adierazten badira, Unibasqek eskubidea izango du gezurrezko zinpeko deklarazioei buruz indarrean duen protokoloa aplikatzeko.

3.5. Interesdunek Unibasqera jo ahal izango dute deialdi honen ebaluazioari lotuta dagoen edozein kontsulta egiteko.

4. Ebaluazio-irizpideak.

Ebaluazioan zientzia, teknologia eta berrikuntzako Espainiako sistemara sartzeko modalitatepean erakunde publikoek edo ikerketa-erakundeek kontratatutako langileen jardura ikertzailea ebaluatzeko irizpideak ezartzen dituen abenduaren 9ko Aholku Batzordearen erabakia argitaratzen duen 2017ko abenduaren 11ko Unibasqeko zuzendariaren ebazpenean ezarritako irizpideak hartuko dira kontuan ebaluazioan.

5. Ebaluazio-prozedura.

5.1. Unibasqen Ebaluazio Batzordeek langilearen jardura ikertzailearen atal bakoitzari buruzko epai teknikoa emango dute, Aholku Batzordeak 2017ko abenduaren 9an hartu zuen eta Unibasqeko zuzendariaren abenduaren 11ko ebazpenean argitaratu zen erabakian ezarritako irizpideei jarraikiz.

5.2. Ebaluazioaren ebazpena indibidualizatua izango da eskaera bakoitzeko eta ebaluazioa positiboa edo negatiboa dela adieraziko du, dagokionaren arabera. Ebaluazioa aurkakoa bada, ebaluazioaren laburpena eta dagokion Batzordean egindako txostena erantsiko da ebazpenarekin batera.

5.3. Era berean, eskatzaileak errekurtsio bat jartzen badu deialdia egiten duen organoan, Unibasq helaraziko dio organo horrek errekurtsioa, ebazteko beharrezkoa den txosten teknikoa egin dezan.

Vitoria-Gasteiz, 2017ko abenduaren 11a.

Eva Ferreira

Unibasqen zuzendaria